


漢書

漢書門			
二	三	三	八
類	號	函	架
五	七		
冊			

內閣文庫			
二	三	三	八
類	號	冊	架
五	七		
冊			

內閣文庫			
番號	漢	2338	
冊數	57 ( 43 )		
函號	285	29	









東國通鑑卷之四十二

高麗紀

忠宣王



諱璋字仲昂古諱諒蒙古諱益智禮  
普化忠烈王長子母齊國太長公主  
性聰明剛果興利祛弊凡所施為粗  
若可觀然父子之間慚德實多而久  
居上國有雁賓鼠逐之辱在位五年壽

五十一


元年

元至大  
二十二年

春正月王在元〇二月立權益



西





法王傳旨曰古者權鹽之法所以備國用也  
本國諸宮院寺社及權勢之家私置鹽盆以  
專其利國用何由可贍今將內庫常積倉都  
鹽院安國社及諸宮院內外寺社所有鹽盆  
盡行入官估價銀一斤六十四碩銀一兩四  
碩布一匹二碩以此爲例令用鹽者皆赴義  
鹽倉和買郡縣人皆從本管官司納布受鹽  
若有私置鹽盆及私相貿易者嚴行治罪於  
是始令郡縣募民爲鹽戶又令營置鹽倉民  
甚苦之諸道鹽價布歲入四萬匹○二用命

高麗忠宣王

檢校中護裴挺重新康安延慶二宮中外公  
私屋材並令官收以供營構朝野怨之尋罷  
康安宮之役及延慶宮上樑徹上國之制百  
官皆賀用銀絹紵布爲幣宴六品以上殿宇  
廊廡凡四百十楹皆挺指畫也○元宣政院  
遣人來督造船時皇太后欲營佛寺洪福源  
之孫重喜重慶等奏白頭山多美材若葦潘  
陽軍二千伐之流下鴨綠江使高麗舟載以  
輸便於是遣遼陽省宣使劉顯等來令造船  
百艘輸米二千碩幣不可言西海交州楊廣



民尤受其害○王傳旨曰流竄之人皆免放  
唯吳演梁麟徙置鎮邊前者各衙門併省之  
時士大夫多無故失職或有勞降官者子惟  
念之不置可依舊勾當又新設衙門官吏各  
勤其職毋致廢弛前所革近侍茶房三官五  
軍皆復之時重喜以擅改官號訴于中書省  
故有是命○太司憲趙瑞遷自元帝以參理  
金深為高麗都元帥瑞為副元帥時深女入  
侍於帝得幸瑞女亦被選適元寵臣故有是  
拜○元太后幸五臺山王扈從○夏四月右

高麗忠宣王

軍千戶金暹左軍千戶鄭琦押船五十艘  
禮成江如元○遣吳挺珪如元賀受尊號政  
丞崔有滄等仍上箋於王請遷國時帝及皇  
后太子待王甚寵故王不納○以中郎將尹  
吉甫為太護軍初王納順妃後淑妃得幸順  
妃之女入侍皇太子謀辱淑妃王患之時吉  
甫以打毬因宦者伯顏禿古思得出入東宮  
故王不次官之○秋七月上洛公金忻奉忻  
性豁達慈惠愛人尤恤親戚之窮者○郎將  
宋時遷自元帝命減造船轉米○王遣內寮



申彦卿傳旨曰上皇主請謚表令密直副使致仕吳良遇製表之自今給以見官之俸表箋製撰一以委之○王命令富人就宣義門內閑地緣道作瓦屋又令五部民家皆蓋以瓦○冬十月元杖洪重喜流潮州重喜謀害王誣訴王不奉國法恣暴等事于中書省請與廷辯中書省以奏王甚息之本國宦者方忙古台人侍興聖宮白皇太后曰重喜高麗連民也敢肆誣妄謀覆宗國罪已可誅顧今與王對辯耶太后悟即言於帝勅中書毋令對

高麗忠宣王

辯乃杖而流之○十一月遣季公世如元獻酥油公世亦大順崇也初忠烈王入覲大順請帝詔王以公世為別將帝曰官人有法制國有君朕何與焉因賜太官羊上尊酒令大順自于王王曰公世校尉耳越散負而授別將非舊例也大順不敢復言後聞帝言如是乃授之

戊庚

二年

元至大

春正月朔王在元○有事于寢

園有司欲不刑牲司憲糾正卜棋不可曰夫祭尚氣先迎牲殺於庭所以降神也若以生



牲為宰豈合於禮乎於是宰而薦之○王欲  
傳位世子密令人撰表於楊學士尋為從臣  
所沮乃止○夏五月王殺世子鑑及其從者  
金重義等

**臣等按**忠宣之殺世子前史不言其實本  
不可考但忠宣初欲傳位世子則世子之  
無罪也明矣中因從臣所沮而止之則其  
欲揖遜者非出於至情也今自不惜太寶  
而視之如脫屣自推升愛子而斬刈如  
草菅顛倒停戾如此夫以父子之親儲副

高麗忠宣王

之重而一朝割息斷情無顧惜心豈無自  
而然歟忠宣自入元朝信讒近佞左右前  
後因非儉士小人侍從羈縲無非尅悍健  
兒朝夕屠翹王與上主父子之間讒隙已  
成安知王與世子父子之間讒隙亦行必  
置之死地而後已耶忠宣親遭讒間不得  
於父不得於父則方引咎責躬之不暇矣  
何暇責子乎向若以怒子之心責己以責  
子之心事父則庶幾蓋前愆而無大過矣  
嗚呼孝慈天性非由外鑠我也忠宣獨無



是天乎奈之何語爲子則不孝於父語爲  
父則不慈於子悖德悖道得罪於名義若  
是其重且大乎

六月元遣八扎等來頒冊皇后詔入扎囚讞  
部典書金士元散郎李光時初大順娶韋得  
儒女與永平官爭奴婢乃白于帝下制令讞  
部決之光時主其案不與韋氏大順怒使八  
扎等稱制杖流士元等○秋七月元封寶塔  
實憐公主爲韓國長公主○元追贈王三代  
曾祖曰忠憲祖曰忠敬考曰忠烈初國家雖

高麗忠宣王

用宋遼金正朔然歷代之謚皆稱爲宗及事  
元以來名分益嚴故王表請上昇主謚又請  
追謚高元二主○世子之喪至自元葬于城  
南百官素服送之○八月以贊成事柳清臣  
爲僉議政丞先是王以崔有滄年高令五日  
一至都堂議軍國大事命清臣專理細務至  
是遂以清臣代之○王傳旨曰式自都監掌  
邦國重事其以僉議政丞判二司事密直使  
僉議贊成事二司左右使僉議評理以上爲  
判事知密直以下爲使密直司陞一品與僉



議府同稱兩府又改諸司及州郡號○九月  
柎忠烈王于寢園○元流寧王于我國寧王  
世祖庶子謀叛事覺與其家屬五十餘人偕  
來○以李大順爲泰安府院君全禿萬帖古  
思爲寧仁君金亦刺兀塔爲樂安君全撒里  
爲咸昌君李淑爲平昌君方臣柎爲中牟君  
朴阿不花爲桂陽君李伯帖木兒爲星山君  
劉昌祿爲孝寧君崔欣莊爲錦城君鄭買撒  
爲河東君李信爲寧越君權古里爲奉化君  
任伯顏禿吉思爲庇仁君李三真爲淮陰君

高麗忠宣王

大順以下皆本國閹人其系非氓郎隸賤也  
國家不用腐刑在樞樞爲狗所啗而殘者往  
往有之安平公主嘗獻數人於世祖頗得執  
侍閨闈出納帑藏日見親寵至有奉制來使  
復其家官其族恩澤至厚於是殘忍僥倖之  
徒轉相慕效父官其子兄官其弟又其強暴  
者小有憤怨輒自割勢故不數十年間刀鋸  
之輩甚多成宗皇帝以來政由官掖閹人用  
事甚者官至大司徒其次皆遥授平章政事  
又皆爲院使司卿其弟姪亦受朝命第宅車



服僭擬卿相貴富光榮漢南闈人所未及也  
國主每有奏請必先賴此輩故忠烈朝已有  
封君者是時王久留京師數出入二宮此輩  
因與王狎且有請謁王於是擇其尤近幸者  
賜封鄉邑其餘皆拜檢校僉議密直官又除  
其親戚不次由是選法大壞而熏腐未燥者  
亦輕視本國伯顏禿古思尚書朱冕家奴也  
**臣等按**高麗民不許宦寺參職不于額外  
政內治之嚴遠過於漢唐雖以毅宗之狂  
悖高宗之昏庸其待宦寺猶能謹守家法

高麗忠宣王

不敢輕改豈不為衰世之羨事歟元宗以  
後始廢古制任用失宜至是宦者十五人  
同日封君相宗家法掃地盡矣昔漢桓帝  
同日拜宦官為五侯猶不免後世之譏况  
一且而封十五君者乎

冬十月以李公甫知密直司事朴侶同知密  
直司事金廷美為密直副使侶及公甫皆以  
田夫暴貴時方臣枯奉帝命來嘗與宰相會  
宴天寺酒酣皆起舞臣枯謂公甫曰能為我  
為若故戲乎公甫即起為扶耒耕由狀一坐



大笑○王傳旨日向者元忠賜姓名王鑄忠  
不體子意多所違忤宜即追削貶知鐵州事  
王多愛男色忠有龍陽之寵王欲拜為佞言  
忠辭曰年少無知驟登華要取譏多矣願更  
擇人王怒貶之忠時年未二十○十一月宰  
樞議遣採訪使于諸道更定稅法或曰今郡  
縣田野盡闢宜量田增賦以贍國用宰樞恐  
其所占田園入官事遂寢○僉議中贊致仕  
金之淑李之淑性廉潔剛正二別抄之叛陷  
賊中無計得脫自投海隨波出沒賊以小艇

高麗忠宣王

追及取之至珍島將斬以徇承化侯救解之  
使當一面之淑密以賊狀達于官軍及珍島  
敗賞以官元闕里吉思為行者平章凡奴婢  
其父母一良者欲聽為良宰相莫有止之者  
之淑曰世祖嘗遣帖帖兀來監國有趙石奇  
者訴良賤帖帖兀欲用上國法世祖詔從本  
國舊俗此例具在不可變更於是闕里吉思  
不敢復言及卒二女以家貧未嫁為尼  
三年元至大春正月王在元○王命月飯僧  
三千於旻天寺衣衾為期○夏四月以方得

次辛

三年

元至大

春正月王在元○王命月飯僧

三千於旻天寺衣衾為期○夏四月以方得



世為尚州牧使得世臣祐父也嘗居中牟縣親自負擔以其子故起家為管城縣令不數年驟陞牧使○秋九月鷄林君金瑋卒瑋性寬和美容儀且習禮度初以敬順主后從恭得幸於忠烈王及王即位以與淑妃連戚又得幸事淑妃甚勤脫身除拜皆由淑妃凡所歷無樹立自奉甚侈飲食衣服務為華美○平陽君印侯卒侯性狂縱貪婪但善於將命王及公主奏聞必遣侯以行辦金方慶復平壤錄本國侯與有功焉由是累蒙賞賜家貲

高麗忠宣王

鉅萬又憑藉勢力奪人土由奴婢無極人多怨之及死至有相賀者○冬十一月僉議贊成事致仕權阻卒阻嘗有遁世之志父驍強留之請於朝為門下錄事傾家貲供其費阻不得已就職後為禮昂猛佞四州副使皆以廉勤精明稱嘗出按二道行文書但用鈐板未嘗蒞一使令行禁止其留守東京也舊有一庫賊民綾羅貯之名甲坊充貢獻留守私其贏餘阻撤甲坊以一年所收支二年貢司戶有盜民租者碎其腦于府庭觀者股栗阻



性耿介不苟合酷信浮屠斷薰肉四十年自  
猶夢庵居士既老一夕遁入禪與杜剝髮子  
溥馳馬夜至大哭曰將後鬚髮我耶此子  
素志也

子壬

四年

元仁宗皇  
慶元年

春正月王在元元命王歸國

王不欲行使朴景亮言於用事大臣曰今方  
農月請待秋成帝從之○夏六月元降制罷  
置行者初洪重喜訴于中書欲立行者王歷  
叙相宗臣服之功奏罷之○秋七月齊安太  
君淑李淑爲人廉正諳練典故國人稱爲宗

高麗忠宣王

室之賢○八月僉議政丞致仕李混李混性  
寬厚與鄭瑄尹瑄在政房相推致一日語曰  
吾輩交權久矣盍相告以過失乎混謂瑄曰  
人謂君巧又謂瑄曰人謂君好自尊宜改之  
瑄乃謂混曰人謂君不廉然乎混久掌選法  
性且不廉故其家稍富務爲踈散喜賓客好  
琴碁嘗敗寧海得海浮查製爲舞鼓至今傳  
于樂府

五年

元皇慶  
二年

春正月王在元王白皇太后囚

密直司事李思溫化平君金深初思溫與深



議曰國主久留京師帝及太后屢詔之國主無意於行令本國歲輸布十萬匹米四百斛他物不可勝紀國人漕轉之弊益甚諸從臣皆羈旅思歸而權漢功崔誠之同掌選法利其賂遺朴景亮爲王腹心累蒙賞賜營置產業王之不歸實由二人之患失蓋除之奉王以還乎乃因太后所幸宦者買撒以其事言於徽政院使失列門失列門許之於是深等遂具二人罪狀使太護軍李揆護軍金彦金賞崔之甫申彦卿等數百人署名呈于徽政

高麗忠宣王

院失列門矯太后旨下漢功等二人獄王怒甚因太后侍婢也里思班以白太后曰從臣之愛我者莫如二人深等不先告我輒訴徽政其意不止於二人而已惟陛下下憐察太后即命釋二人執深思温囚之揆彦賞之甫彦卿皆亡匿不出○二月僉議贊成事政仕薛景成李景成家世業醫頗精其術忠烈王每遘疾必使景成治之元世祖不豫遣使來醫以景成應詔用藥有效世祖喜賜館廩因得出入禁中賞賜甚厚成宗寢疾又名留元及



公主妬趙妃寵元遣使來問乃以景成副之  
景成不與用事者通景成身長義風儀性謹  
厚未嘗爲子孫求息澤亦不治產業○囚妖  
僧曉可于巡軍獄可自言見性以妖術術惑  
士女嘗持蜜水米屑示人曰此甘露舍利皆  
吾身所出也人莫知其詐至有飲且藏者又  
嘗得一窟可容身者積薪其上而登之謂其  
徒曰吾欲茶毗後七日當化爲法身遂執薪  
煙焰四起遂自薪中投入窟食柿栗至期撥  
灰而出憲司覺其詐按問遂服至是以罪

高麗忠宣王

見囚○元杖流金深李思温于臨洮後五年  
帝名還大都初深將如元印侯出餞且告曰  
今國主在京師子不待名而往者豈無意乎  
夫善言語以悅上國大臣子孰與侯富錢財  
行貨權貴子孰與侯侯嘗得罪僅免死而歸  
子其慎之深不能用○三月以崔有滄爲太  
寧君柳清臣爲僉議政丞吳朴爲密直使○  
甲寅王以長子江陵太君燾見于帝請傳位  
帝冊爲金紫光祿大夫征東行中書省左丞  
相上柱國高麗國王是時元欲王歸國王無



以爲辭乃遜其位又以姪延安君高爲世子  
王有兄曰江陽公滋貞和院妃出也以非公  
主子不得立有子三人瑄高墳王愛撫如子  
養高宮中一名完澤禿

史臣曰忠宣爲世子入侍元朝與姚燧趙  
孟頫諸公遊問或與聞朝政其議論有足  
觀者及其即位遽厭萬幾尋復如元諂事  
婦寺淹留燕京至于五年國人困苦供餽  
從臣又勞思歸至謀相陷元亦厭之再詔  
歸國無以爲辭乃遜位于熹又以姪高爲

高麗忠宣王

世子父子兄弟本構猜嫌其禍至于數世  
而未弭貽謀之不滅如此吐蕃之窟非不  
幸也

夏四月丙戌王侍上主及公主發燕京上主  
遜位欲留朝廷不聽故不得已遂行傳車百  
四十兩馬稱是上主嘗封潘王故時稱潘王  
帝遣丞相納剌忽等護送○五月教曰孤賴  
皇帝之洪福荷父主之至息已於二月二十  
四月受傳國印又於其月二十八日受宣命  
訖載惟上之事父下之長民任大責重夙夜



憂懼固知彼濟其令諸道朔膳先獻又主文武官僚賀謝辭見並於父王先行○上王遣彦陽君金文衍如元留世子曷為禿魯花○六月甲戌上主及王次西普通寺百官出迎是日兩主宿是寺上王名華故太護軍鄭子羽妻崔氏丙子入京張樂雜戲學生獻歌謠上王命止之以待公主兩主遂入泥峴延德宮上王使淑妃順妃迎公主于金巖驛觀用幣宰樞亦如之兩王率百官出宣義門迎公主戊寅入京車服之盛前世所未有○宰樞

高麗忠宣王

上壽于延慶宮○癸未上主如妙蓮寺謁齋國公主真遂幸夏夫寺會百官宣帝策王之詔○甲申王即位於延慶宮○秋七月三日使趙瑞李瑞仁規之子性英敏豪邁仁規被逮留元八年瑞從之一日車駕出瑞率諸弟謁于道左帝顧問嘉趙氏有子許仁規還○八月王納益城君洪奎女冊為德妃○九月遣上護軍朴從龍如元謝襲位○冬十月王朝于上主五自一朝○上主飯僧二千燃燈二千于延慶宮五自施佛銀瓶丁百手敬香



爐使伶官奏樂邀僧冲坦孝禎說法各施銀  
一斤餘僧二千施二十斤上主嘗願飯百八  
萬僧點百八萬燈至是日飯二千僧點二千  
燈五百可滿僧一萬燈一萬期以要願謂之  
萬僧會其費不可勝紀○十月上主幸旃  
檀園施白金三十斤○八關會王御儀鳳樓  
上主與王師丁午混丘在樓西公主與王淑  
妃在樓東觀樂權貴僕從入廣庭相闕投石  
及於樓上侍臣紅鞋鉤或有中落者上主命  
衛士捕數人皆杖之○上主飯僧點燈于延

高麗忠宣王

慶宮名松廣寺僧萬恒赴會及還賜所御輜  
輜子遣之○上主與萬恒同輦幸溟福寺點  
燈凡八日○以吳潛為僉議評理商議會議  
都監事潛即朴也○冥羣臣于延慶宮

忠肅王一

諱燾小字宜孝蒙古諱阿剌訥忒失  
里忠宣王第二子母蒙古女也速真  
追贈懿妃性嚴毅沉重聰明善制衣  
工隸書在位前後二十五年壽四十

六



元年

元延祐元年

春正月上主下右獻納李穆右

思補禹備左思補尹頎于巡軍尋釋之時僧

俗多有濫受職者諫官不肯署故也○乙未

上王謁景靈殿還御康安殿視殿宇傾圮歎

曰父王於王十餘年宴樂之際若新此殿庶

無寡人今日之憂遂停燃燈役令改營○上

王流右獻納李朝隱左遷右思補禹備左思

補尹頎時僧景麟景聰俱有寵於上王出入

禁闥授太樺師諫官不署告身上王怒名朝

隱及備頎諫讓猶不署又名朝隱等詰問欲

高麗忠肅王

校之備廷辨慷慨王悟怒稍解然以朝隱主

僧批流租忽島既而名還削職左遷頎備○

上王論田民計定使日先王置州縣定貢賦

歛民以時兵興以來戶寡田荒貢賦之人不

古若自己已量宜定額後提察守令固執其

額徵斂不止病民實多宜以見在田口更定

貢賦民流野荒者限年蠲免其餘雜貢亦宜

詳定有減無加凡諸民弊隨宜革正○以洪

奎為南陽府院君金之謙為樂安君李瑚判

三司事吳潛為三司使有頎正僉議評理時



程朱之學始行中國未及東方願正在元得  
而學之東還李齊賢朴忠佐首先師受○上  
王飯僧二十于延慶宮五日○上王自記其  
德十餘條密下式自令上箋陳賀懿旨功高  
德厚惟休無疆情動言形永歌不定恭惟能  
哲而惠知幾其神妙齡入侍於天居幾歲別  
承於宸睇誅姦靖亂誓言存如礪以不忘盡瘁  
協謀信在軟金而彌篤因披帝心之珍重使  
令宗國以輯寧于時見其寢園與夫靈殿歷  
歲年也絲遠爲風雨之漂搖准前基礎以經

高麗忠肅王

營各立五室邀我相先而妥佑克備多儀至  
於籩豆尊壘亦皆改舊帳帷傘蓋無所不新  
詣九闈以奏陳遂成其志授三主之封贈兼  
及厥妃奉承恩詔以來歸開讀神宮而禋祀  
非但孝誠之允切又令時弊以欲蠲頃者廉  
恥不行會殘斯作舊所貢於內府皆擅入於  
私門管當時經費者孔艱他家有錢而猶  
乏苟不持男而易粟郎皆祝髮以投山是以  
節自正且進獻之資朝宰使臣贈遺之賙敢  
以徵茲出自差抽內焉文武庶官外則會



百姓歛以布銀之物及諸熊虎之皮然或半  
落於內茲又將北上而中廢思艱圖易利用  
厚生以謂粒米乃儉歲之有備設倉爲名塩  
稅是古人之通行歛民無弊蘇醒已遍於庶  
類蓄積何止於三年放鷹犬而絕遊畋禁先  
王之不可禁菲飲食而輟音樂行古聖之所  
難行博愛之謂仁克勤而又儉減諸郡之朔  
膳無一月之宴遊凡日舍靈舉欣有喜顧惟  
本國元自肇基弘揚佛法以維持馴致邦家  
之帖泰今承遺範益茲至心絲毫不費於下

高麗肅宗肅王

民錢穀特傾於內分飯僧王饌盛如雲黍以  
氤氳照佛蘭燈列似星分而燦爛數期百萬  
八萬誠遍三千大千蔚然龍象之駢闐殷若  
鼓鐘之禱講因祝皇齡之永久兼析懿筭之  
遐長豈唯二聖之康寧亦是三韓之慶賴猶  
夙興而夜寐欲國富以民安格退老之扈臣  
俾僉謀於宰輔興利除苛而要令綏撫輕徭  
薄賦而酌定差料出勢由而爲公由遷逃戶  
以充貢戶頌聲載路和氣格天而臣等幸遇  
盛時獲瞻勝事其爲慶忭曷可敷宣蓋上玉



欲以聞于上國也

**臣等按**古之人君德修於己功加於人自  
早而人益尊自晦而道益光是以聲名洋溢於中國也今忠宣以聰明強記之才用  
之於不善處身接物一無可稱乃欲求譽於上國有記其德密令臣下上表陳賀其所記之德不知何德邪以修靈殿為德則  
靈殿之營先揚父惡謂之德可乎以蠲時弊為德則轉輸燕京財殫力痛謂之德可乎以為孝也則失父子之親以為仁也則

高麗忠肅王

殺無罪之子是何德乎踐祚以來常在元朝不親國政則知其無克勤之德也重營二宮朝野怨之私占食邑督其賦稅則知其無克儉之德也飯佛點燈胎無虛日萬僧之會糜費鉅萬謂無一日之遊絲毫之費而歸德於己可乎嗚呼古之聖人聖不自聖而人以為聖今王以不德為有德而人不以為德取笑當時貽譏來世後之為人君者可不監哉

元遣使來頒科舉詔○教曰化民成俗必由



學校邇來成均館不勤教誨諸生皆棄其業  
至於朔望之奠二十之祭辭以他故而不與  
焉有先王之典其令祭酒每行奠謁務崇  
修潔諸生不與者徵白金一斤以充養賢庫  
○教曰富春君朴景亮三司使權漢功密直  
使崔誠之等侍從上主夷險一節金深李思  
溫輩積歲畜謀圖國危主而二人共竭心力  
來輔始終其功莫大有司舉行賞典○上主  
如元道入延慶宮萬僧會以銀百二十斤施  
僧王餞千金郊驛奉觴而進上主流涕○元

高麗忠肅王

遣使來頒改元詔○二月宰樞享公主及王  
○幸內願堂次板上詩嬖臣護軍尹碩僧戒  
松等和進戒松嘗有穢行見黜於其徒納妹  
於碩碩薦于王由是出入無禁

史臣李衍宗曰王不與通儒講論治道而  
翫於末藝每與尹碩戒松輩唱和以抽黃  
對白爲務何益於君道哉

閏月命義成德泉倉設嘗花宴慰公主○淑  
妃宴公主于永安宮○元命上主留京師上  
王構萬卷堂于燕邸名李齊賢充府中迎致



文儒閭復姚燧趙孟頫虞集等與之從遊以  
考究書史自娛今從臣輪番而代時有鮮卑  
僧上言帝師入思巴製蒙古字以利國家乞  
今天下立祠比孔子有詔公卿耆老會議國  
公楊安普力主其議王謂安普曰師製字有  
功於國祀之自應古典何必比之孔氏孔氏  
百主之師其得通根以德不以功後世恐有  
異議言雖不納聞者躉之科舉之設王嘗以  
姚燧之言自于帝許之及李孟為平章事奏  
行焉其原蓋自王莪也右丞相禿魯罷帝以

高麗忠肅王

上主為相王固辭曰臣小國藩宣之寄猶懼  
不任乞存於子況朝廷之上相哉安敢貪榮  
冒處以累陛下之明敢以死請帝笑曰固知  
卿善避權也上主問齊賢曰我國古稱文物  
侔於中華今其學者皆從釋子以習童句何  
耶對曰昔太祖經綸草昧日不暇給首興學  
校作成人材一幸西都遂命秀才廷黜為博  
士教授六部生徒賜彩帛以勸頒廩祿以養  
可見用心之切矣光廟之後益修其教內崇  
國學外列鄉校里庠黨序絃誦相聞所謂文



物侔於中華非過論也不幸毅王季年武人  
變起王右俱焚其脫身虎口逃趣窮山蛻冠  
帶而蒙伽梨以終餘年若神駿悟生之類是  
也其後國家稍復文治雖有志學之士無所  
於學皆從此從而講習之故臣謂學者從釋  
子學其源如此今殿下廣學校謹庠序尊六  
藝明五教以闡先王之道孰有背真儒從釋  
子哉○上王命前選部議郎尹莘傑司憲執  
義尹宣佐前典校令白元恒侍王講通鑑以  
莘歲爲選部直郎安珪爲散郎委以銓注論

高麗忠肅王

王專斷國政兼崇佛法戒諸倉庫吏毋以幼  
主之命耗費財用珪王之潛邸時侍學也系  
本平微又無他技性柔訥善逢迎王薦於上  
王及即位數引見上王俾擇謹慎者爲王府  
知印王即以珪補之○夏四月宰樞宴公主  
及王于延慶宮義成德泉倉又宴于延慶宮  
皆承上主旨慰公主也○僉議贊成事致仕  
吳訥奉訶古名漢卿上王初政置訶林院四  
學士共圖政理訶居其一爲人寬簡無華有  
長者風○公主宴王及羣臣于延慶宮王不



出○五月宰樞享公主及王○前護軍張芸  
享公主○六月贊成事權溥商議會議都監  
事李瑱三司使權漢功等會成均館考閱新  
購書籍且試經學初成均提舉司遣博士柳  
衍學論俞迪于江南購書籍未達而船敗行  
等赤身登岸判典校寺事洪滄以太子府參  
軍在南京遺行寶鈔一百五十錠使購得經  
籍一萬八千卷而還○彥陽君金文衍衣文  
衍幼爲僧年逾二十不能自振女弟淑妃寵  
幸驟登二府率未久魯花如元帝賜三珠虎符

高麗忠肅王

東遷奉于道爲人豁達信義而無迂曲見淑  
妃左右大侈每抑止之○遣三司使權漢功  
如元陳慰兼賀始行科舉○秋七月元遣使  
賜王書籍四千二百七十一冊皆宋秘閣所  
藏因洪滄奏也

卯乙

二年元延祐 春正月改東堂爲應舉試○夏

四月重房享公主及王○秋九月公主如元

○冬十一月甲午公主薨于元

辰丙

三年元延祐 春二月丙子公主之喪至自元

○庚寅葬公主○王如元以上主請婚于帝



帝許之也○二月上主奏于帝傳潘王位于世子暲自稱大尉王帝授暲開府儀同三司潘王令尚梁王女○罷密直副使兼太司憲安于器以元尹趙珙代之珙方寵於上主而于器有公望無內援識者惜之○判中門事李仁琪李仁琪以武才顯爲護軍疾重房諸將怙勢使氣嘗抗辱之諸將誑上主王雖疾諸將而賢仁琪以諸將皆上國婦寺之黨故不得已削仁琪職未幾超授知讞部事仁琪有風彩禮度中規智勇過人○元尹申汝桂

高麗忠肅王

妻金氏率婢僕出巷有惡小十餘人大呼突入檐而走汝桂奔告淑妃使人追之至十里許棄之而散獲一人囚之乃萬戶權準家人也金氏淑妃之姨也巡軍畏權氏勢莫敢究理○夏四月以瑣爲延德府院太君昫爲雞林府院太君閔漬爲驪興君趙延壽爲甄至館提學李齊賢爲進賢館提學昫權溥之子上主愛以爲假子賜宗姓書于屬籍故時稱王弟延壽即珙也○順正君璫奪海州田五十餘結西海道民多流移州郡空虛者五六



海州遂納印于都堂璫以其妹伯顏忽篤得  
幸於帝憑藉官掖多行不法見王亦倨傲無  
禮○五月潘氏弑其夫黃州牧使李緝上王  
赦之潘尚書永源之女也緝嘗在任與衛身  
金南俊通遂弑緝讞部究理將置極刑會潘  
族僧宏敏有寵於上王常侍左右以故數下  
旨沮之尋有赦得免國人切齒至是太司憲  
趙延壽執之祝髮置淨業院

**臣等按**法者天下所公共不可以私息私  
意而撓之也今潘之罪逆天理所不容王

高麗忠肅王

法所必誅有司擬極刑王曲法貸之壽為  
憲長不能力諫只令祝髮以必誅之罪反  
置之安全之地三綱九法之淪斃孰甚於  
此乎

六月戊子王謁帝于上都○南陽府院君洪  
奎奎奎性恬淡寡欲僮不羈○秋七月王  
娶亦憐真八刺公主營主也先帖木兒之女  
也○戊午懿妃薨于元妃蒙古女生世子鑑  
及王○八月癸酉懿妃之喪至自元庚寅葬  
懿妃○冬十月丁酉王與公主至自元



巳丁四年

元延祐四年

春正月王微行幸妓萬年歡家

厚賜銀幣○閏月王及公主移御定安公第  
初德妃黜居於此王數夜行尹碩孫琦等密  
白王遷德妃於隣家以便往來遂移御○元  
流魏王阿木哥于耽羅尋移大青島○魏王  
館庭磚日照霜潤光彩爛斑有人自王月魏  
王館庭中光彩皆成牡丹諸花卉狀豈天降  
祥以表聖德王甚喜厚賞其人乃命畫工圖  
其狀先是彌勒寺僧獻異草以爲靈芝王重  
秘之令文士賦詩人皆笑之○淑妃邀宴公

高麗忠肅王

主贈侍女銀帛有差○二月王畋于西海道  
○王畋于峯城三日而還又獵于漢陽時方  
東作民甚怨咨○夏四月檢校僉議政丞閔  
清撰進本朝編年綱目上起國初下訖高宗  
書凡四十二卷漬稍有文藻而心術不正不  
知性理之學其論昭穆至以朱子之議爲非  
所見之偏類此○貶前代言尹碩于金海碩  
事王潛邸巧言令色善爲逢迎妬賢疾能顛  
倒是非上王恐其誤國遣使諭王斥之○六  
月遣上護軍鄭允興聘于營王○秋八月設



九齊朝試時監試廢已久始以朔試代之○  
遣選部典書李齊賢如元賀上王誕日○冬  
十月王夜與洪戎元忠微行出獵○十一月  
名政丞柳清臣賜玉帶贊成事權溥賜紅鞋  
清臣不學無知而有機變恃勢弄權時人鄙  
之○贊成事權漢功還自元帝冊王為開府  
儀同三司駙馬高麗國王○十二月王敗于  
溫泉八日  
元延祐  
五年  
春正月王及公主宴于延慶宮  
還官馬上王記姚安道所賦玄宗打毬圖詩

高麗忠肅王

云金殿千門白晝開三郎沈醉打毬回九齡  
已老韓休死明白應無諫疏來吟詠者久之  
翼自名權漢功尹莘傑等賦詩歡甚又久吟  
打毬圖詩

史臣張沆曰王之再吟此詩何意也以爲  
戒耶則其意淫與玄宗無異噫以宰相與  
宴者聞九齡韓休之名能不泚頰乎

命俞議贊成事金士元以溫泉所獲禽薦于  
太廟司膳典儀不至糾正後至士元以聞王  
日祭先所以報本子躬獲以獻而有司乃爾



耶子在深宮非鄉何由知之是祭也內豎朴  
仁平竊其禽代以其家瘠肉王知而不能罪  
仁平內豎之最姦猾者也○二月朴仁平有  
罪囚于巡軍仁平以金賂王左右竟免竄逐  
識者嘆之○濟州民使用金成嘯聚兇徒以  
叛逐星主王子星主王子奔告王遣檢校評  
理宋英安撫未至賊黨自斬渠魁二人來降  
乃以英爲牧使流濟州副使張允和于紫燕  
島大護軍張公允于靈輿島蓋賊起由二人  
貪暴也○夏四月罷州郡事審官教曰事審

高麗忠肅王

官之設本爲宗主人民甄別流品均平賦役  
表正風俗今則不然廣占公田多匿民戶擅  
作威福有害於鄉無補於國今已盡革其所  
匿田戶皆刷還民甚悅之然未幾權豪復自  
爲之害甚於前○五月遣司憲執義金千鎰  
于慶尚全羅忠清道持平張元組于西北面  
問民疾苦時上王在元凡國家事遙傳旨施  
行故扈從宰相權漢功崔誠之李光逢等四  
五輩用事以親戚故舊賄賂者不問賢否濫  
受朱紫王頗懷不平上王嘗命蔡洪哲巡訪



五道酌之貢賦然新舊貢賦多有不均民不  
聊生又洪哲性貪婪喜營私多取民田產業  
鉅富王雖不直其所爲以有寵上王且與權  
崔善故不敢動搖至是思欲釐正乃遣千鎰  
元組于諸道教曰民惟邦本本固邦寧比因  
多苦民不主者州郡凋弊存撫提察守令不  
以爲念今遣憲臣問民疾苦嚴行黜陟如使  
臣徇私廢公亦不敢宥千鎰懷私誣妄無所  
糾舉王杖于內庭罷之元組亦才劣未有摘  
莠獨舉宰相金廷美橫歛皮幣上王聞之以

高麗忠肅王

廷美時方扈從流元組于引月島○置除弊  
事自昫○六月中贊致仕宋玠死○以安震  
爲執事應教摠部直郎權適之後震始登制  
科自檢閱權用之○改除弊事自昫爲察理  
辨違都監大索豪勢昫占田民遷其主中外  
大悅獨豪勢患之訴上主罷之○秋七月幸  
延慶宮有二百人訴于駕前請復辨違都監  
從之尋復罷之○九月王畋于慶夫寺之野  
十日乃還○冬十一月王畋于臨江○十二  
月營王偏妃來王出迎遂畋于西郊



未巳

六年元延祐六年春正月營王偏妃宴王及公主于延慶宮留數月乃還○二月王畋于楊廣道十餘日○三月上王請于帝降御香南遊江浙至寶陀山而還權漢功李齊賢等從之命從臣記所歷山川勝景為行錄一卷○夏四月貞信府主王氏卒郎忠烈王元妃貞和院妃也生江陽君滋自齊國公主下嫁居別宮四十餘年○六月以文成公安珣從祀文廟時議者以為珣雖建議置國子監學錢有養育人才之功豈可以此而從祀乎珣之門

高麗忠肅王

生摠郎辛歲九請故有是命○秋八月元遣使宴王○王獵于龍泉寺之野○幸壽康宮遂畋于鐵原至孤石亭○王畋于德水縣命焚城隍柳柯蓋怒海東青及內廐馬之斃也○九月丁未公主薨謚靖和○移御內願堂自是屢移寺院○遣元尹任子松如元告喪即將李麟起告計于營王○冬十月營王遣使來吊公主喪○十一月元皇太后遣中使於旸不花來吊公主喪○杖流護軍崔安道于海島安安君許慶廉承益之外孫密直



曹頤承益之妾壻頤與慶爭財訴于王安道  
與李宜風俱嬖臣也為慶相譖頤王以頤得  
幸上主右之頤與萬戶洪綏譖安道下巡軍  
杖流之未幾安道復幸於王頤內懷孤危密  
與護軍高子英謀逃入元與護軍蔡河中等  
諂事潘王暉窺覩國釁安道宜風常在王側  
專務軟讎尹碩孫琦等潛邸舊臣觀望生事  
七年元延祐七年春正月辛巳朔元來告日當食  
停賀正禮百官素服以待不食癸未乃行賀  
禮○二月庚申葬靖和公主○郎將王純自

高麗忠肅王

元來報帝崩百官會哭于紫門遣檢校評理  
秦良弼如元陳慰○王微行獵于郊○二月  
上主承皇太后旨命刷宦者伯顏禿古思等  
六人所奪土田減獲歸其本土伯顏禿古思  
自宮為閣因緣事仁宗皇帝藩邸佞險多不  
法上主深嫉之伯顏禿古思知之思有以中  
傷之以仁宗及皇太后待上主厚不得發嘗  
無禮於上主上主請於太后杖之怨恨益深  
及仁宗崩太后亦退居別宮禿古思益無所  
畏厚啗入思占百計誣譖之○遣評理金廷



義如元賀登極○夏四月元遣禮部郎中忽刺出來頰即位詔○五月上王復請於帝降香江南蓋知時事將變異以避患也行至金山寺帝遣使急召令騎士擁逼以行侍從臣僚皆奔竄與禮君朴景亮遂安君李連松仰藥而死蓋伯頰禿古思方用事恐王不免也○秋七月以李齊賢知密直司事○遣贊成事金廷義如元問上王起居○八月元遣使命復給伯頰禿古思田民且求童女火者○改朔試爲舉子試右佞言許富掌是試取鄭

高麗忠肅王

乙輔等八十餘人富不鮮文字唯取榜頭一人其餘不介優劣以班名先後書之人皆笑之○王微行畋于近郊○九月塑文宣王像王出銀瓶三十以助其費宰樞皆出幣助之○賜崔龍甲等二十二人及第李齊賢朴孝修所取也王嘉孝修清白賜銀瓶五十米百石令辦學士宴國俗堂試者謂之學士門生稱之曰恩門門生座主之禮甚重學士有父母者座主在既放榜必具公服往謁而門生綴行隨之學士拜於前門生拜於後衆賓雖




尊長皆下堂庭立俟禮畢揖讓而升以次拜  
賀於是學士邀至其第奉觴稱壽○丁亥幸  
平州温井戊戌夜還宮百官迎謁中門判官  
趙文瑾謁于駕前馬驚王怒命執之百官皆  
走自後微行見人則輒令歐之○冬十月長  
興庫使崔濯登元朝制科○十一月遣尹碩  
郭惟堅問上主起居○十二月元流上主于  
吐蕃先是上主還至太都帝命中書省差官  
護送本國安置王遲留不即發乃下于刑部  
既而祝髮置石佛寺至是帝以學佛經為名

高麗忠肅王

流于吐蕃撒思結之地去京師萬五千里隨  
從宰相崔誠之等皆逃匿不見唯直寶文閣  
朴仁幹前大護軍張元杜等十八人從至流  
所伯顏禿古思讒訴不已榻幾不測賴丞相  
拜住營救得免○遣政承金利用如元進方  
物又遣張沆尹莘係獻盤纏于上主○百官  
上書中書省訟上主之寃○大集僧徒于旻  
天寺為上主祈禱○復置政房以代言安珪  
掌銓注右常侍林仲沆議郎曹光漢應教韓  
宗愈等參之



東國通鑑卷之四十二



高麗忠肅王



